

1269 Mai 6 Wolbeck bezw. Schönebiet.

[41]

Bischof Gerhard von Münster betr. den Hof Brunink, Bshft. Bedemerwick, Kpl. Osterwick.

Gerardus, Dei gratia ecclesiae Monasteriensis episcopus, omnibus praesens scriptum visuris notum esse cupimus, quod Thidericus dictus de Schonebecke miles et Hermannus, Thidericus, Ludolphus, Ludowicus et Conradus filii sui constituti in nostra praesentia Woltbeke in caminata anno Domini M<sup>o</sup>CC<sup>o</sup>LX nono, II Nonas Maii, ibidem tunc praesentibus nobili viro domino Henrico de Stherenberg, Wescelo de Lembeke, Alberto Dapifero, Everhardo de Lon, Joanne de Dorvelde, Engelberto de Billerbecke et Siberto Norendin militibus, item Macario in Billerbecke et Wernero in Luhn officialibus et pluribus aliis, publice professi sunt, se praedium, quod ipsorum fuerat, dictum Bruninck situm Bedemerwick juxta curtem dictam Dodeking in parochia Osterwick, cum universis et singulis eius attinentiis et iuribus, sicut vulgus dicit an torve ande an twighe, de omnium ipsorum et aliorum cohaeredum suorum expresso consensu religiosi viri praepositi et conventui monasterii in Varlare venditione legali iure proprietatis vendidisse et integraliter recepisse pecuniam sibi inde promissam, libere et absolute in nostris manibus ad manus eiusdem monasterii supra dicta resignantes et abrenunciantes plane et simpliciter omni iuri, quod eis competeat vel quomodo posset competere in praemissis, dataque fuit ibidem coram nobis talis sententia et ab omnibus approbata praesentibus, quod huiusmodi resignatio et abrenunciatio factae coram nobis solemniter non erunt praefato monasterio minus valide, quam si eadem facta fuissent in figura talis iudicii, quod vulgariter vriethinc dicitur, cum solemnitatibus, quae ibi fieri circa talia consueverunt. Promiserunt nihilominus ibidem in nostra praesentia supradicti pater et filii, quod cohaeredes suos tunc ibi absentes, videlicet Heilewigim, Th[eoderici] militis praefati uxorem, item Franconem filium necnon et Mechtildim, Aleidim et Heilewigim filias eorundem procurarent dictae venditioni, quae initiata fuit Havecksbeke, mediantibus Ludolpho et Ludowico fratribus dictis

Hakene et Engelberto de Bissenthorpe militibus, consentire expresse et solemniter dictum resignare praedium ac absolute ad manus monasterii antedicti abrenunciare modo praemisso eidem coram nobis vel vicem nostram in hac parte gerentibus, quod statim postmodum apud castellum dictum Sconenvlete anno praedicto II Idus Maii consumatum extitit juxta praefatorum promissum. Ne igitur supradicta rite gesta modo praedicto possit cuiusquam in posterum violare calumnia, praesens scriptum nostro, ecclesiae nostrae et Th[eoderici] militis praefati sigillis munitum existit in evidens testimonium praemissorum. Acta sunt haec anno et mense praedictis